

**7 ИЮЛЯ: Рождество честнаго славнаго пророка,
Предтечи и Крестителя Иоанна.**

Вечером 6 июля

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Глас 4: Разрешает Захариино молчание рождѣйся Иоанн,/ ибо не подобаше отцу молчати, пришедшу гласу,/ но, якоже не веровавшу первее/ язык связа,/ сие явльшуся дати отцу свободение./ Ему же и благовестися,/ и родися глас Слова/ и Света Предтеча, моля о душах наших.

Стѹх: Да будут уши Твои внемлюще гласу моления моего.

Разрешает Захариино молчание рождѣйся Иоанн,/ ибо не подобаше отцу молчати, пришедшу гласу,/ но, якоже не веровавшу первее/ язык связа,/ сие явльшуся дати отцу свободение./ Ему же и благовестися,/ и родися глас Слова/ и Света Предтеча, моля о душах наших.

Стѹх: Аще беззакония узриши, Господи, Господи, кто постоит; яко у Тебе очищение есть.

Днесь глас Слова,/ глас, за неверие держимый, разрешает отеч/ и Церкви являет благочадие,/ союзы неплодствия разрешая материю./ Светильник Света предгрядет,/ заря Солнца правды возвещает пришествие/ в создание всех и спасение душ наших.

Стѹх: Имене ради Твоего потерпех Тя, Господи, потерпѣ душа моя в слово Твое, упова душа моя на Господа.

Божью Словоу хотящу от Девы родитися,/ Ангел от старческих чресл происходит,/ великий в рожденных женами/ и пророков превышший:/ подобаше бо Божественных вещей преславным быти началом,/ кроме возраста исчадие/ и без семени зачатие./ Творяй чудеса во спасение наше,/ слава Тебе.

Стіх: *От стра́жи у́трення до но́щи, от стра́жи у́трення, да упова́ет Изра́иль на Го́спода.*

**Яви́ся днесь вели́кий Предте́ча,/ от непло́дных ложе́сн Елисавети
произше́д,/ бо́лий всех проро́ков проро́к,/ и ин несть, ниже́ воста́:/
яко Предте́чи, свети́льнику, Свет послéдова пресвётлый,/ и гла́су –
Сло́во,/ и невестово́дцу – Жени́х,/ гото́вящему Го́сподеви лю́ди
изрядныя/ и предочища́ющу при Ду́се водо́ю,/ Заха́риино
прозябе́ние/ и пусты́ни до́брое воспита́ние,/ пока́ния пропове́дник,/
очище́ние согреше́ний,/ су́щим во а́де благовеству́яй из ме́ртвых
воста́ние/ и моля́ о душа́х на́ших.**

Стіх: *Яко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззако́ний его́.*

**Проро́к и Предте́ча из утробы́ яви́лся еси́,/ Христо́в Крестите́лю
Иоа́нне,/ игра́я и ра́дуясь во чре́ве ма́терии,/ зря Цари́цу, прише́дшу к
рабе́,/ нося́щую Безле́тнаго, от Отца́ без ма́тере,/ к тебе́, от
непло́дных и ста́рца по обетова́нию возсия́вшему./ Того́ моли́
поміловати́ ду́ши на́ша.**

Стіх: *Хвалі́те Го́спода всі́ язýицы, похвалі́те Его́ всі́ лю́дие.*

**О, пресла́внаго чудесе́!/ Ї́же сло́ву А́нгела не ве́ровавый,
глаго́лющу,/ яко зачне́т Елисаветь и роди́т сы́на, глаго́ля:/ ка́ко та́я
роди́т,/ зане́ аз заматерéх/ и о́ныя удеса́ умертви́шася?/ Осуди́выйся
молча́ти за неве́рие/ днесь зрит ражда́емо обеща́нное/ и, молча́ния
разре́шся,/ в весе́лие вхо́дит,/ благослове́н, – вопи́я, – Госпо́дь, Бог
Изра́илев,/ яко посети́ и сотвори́ избавле́ние лю́дем Сво́йм,/ пода́й
ми́рови ве́лию ми́лость.**

Стіх: *Яко утверди́ся ми́лость Его́ на нас, и і́стина Госпо́дня пребы́вает во
ве́к.*

**Иоа́нне прехва́льне,/ и вселéнский апо́столе,/ Гавриі́лово
благовествова́ние,/ и непло́дныя прозябе́ние,/ и пусты́ни до́брое
воспита́ние,/ и і́скренний дру́же Жени́ха Христа́,/ Того́ моли́
поміловати́ся душа́м на́шим.**

Сла́ва, глас 6: Днесь Све́та свети́льник/ предпу́тие творі́т
прише́ствию Бо́жия Сло́ва,/ яко звезда́ свётлая,/ днесь Заха́риин
язы́к уясни́ся,/ молча́ние держа́в, А́нгелу повеле́вшу,/ подоба́ше бо

си́це отцѹ/ глас немолча́нием хранѣти, произше́дш из утрѣбы
неплѣдныя/ и всего́ міра избавле́ние благовествѹющ/ со
дерзнове́нием мно́гим.

И ны́не: Елисаветѣ зачатъ Предтечу́ благода́ти,/ Де́ва же Го́спода
сла́вы,/ целова́стеся обе́ ма́тери,/ и младе́нец взыгра́ся,/ внутрь бо
раб хваля́ше Влады́ку./ Удивѣ́вшись же, ма́ти Предте́чева нача́т
вопи́ти:/ отку́ду мне се, да Ма́ти Го́спода моего́ при́иде ко мне?/ Да
спасе́т лю́ди отча́яанныя/ Име́яй ве́лию ми́лость.

<далее см. основной Чин>

Изменяемое №2

Прокімен после «Свѣте тихий»: *См. Прокимен дня <далее см. основной Чин>*

Изменяемое №3

Паримии:

Бытія́ чтѣние (гла́вы 17, 18, 21):

Рече́ Бог Авра́аму:/ Са́ра, жена́ твоя́, не наре́чѣтся імя ей Са́ра,/ но
Са́рра бу́дет імя ей./ Благословлю́ же ю́, и дам тебѣ́ от не́я ча́до, и
благословлю́ е́,/ и бу́дет во язы́ки, и ца́рие язы́к от него́ изы́щут./ И
паде́ Авра́ам на лице́ своѣм, и рече́ в мы́сли своѣй:/ а́ще столѣ́тну
роди́тся сын?/ И Са́рра, де́вятьдесят лет су́щи, роди́т?/ Рече́ же Бог
Авра́аму:/ ей, се Са́рра, жена́ твоя́, роди́т тебѣ́ сы́на, и наре́чѣши імя
ему́ Иса́ак./ И положу́ заветъ Мой к нему́ в заветъ ве́чен./ Авра́ам же и
Са́рра престаре́вшася во днѣх./ Возсме́я же ся Са́рра в себѣ,
глаго́лющи:/ не у ми бысть да́же до ны́не, господи́н же мой стар./ И
рече́ Господь Бог Авра́аму:/ что́ я́ко возсме́яся Са́рра в себѣ,
глаго́лющи:/ у́бо вои́стинну ли рождѹ́?/ Аз же состаре́хся./ Еда́ не
возмо́жет от Бо́га всяк глаго́л?/ И Господь Бог посети́: Са́рру, я́коже
глаго́ла./ И, заче́нши, роди́ Авра́ам сына́ в ста́рости, я́коже глаго́ла
ему́ Господь Бог./ Обре́за же е́го в день осмы́й, я́коже заповѣ́да ему́
Господь Бог./ И Авра́ам бя́ше лет ста, егда́ бысть ему́ Иса́ак, сын е́го./
Рече́ же Са́рра:/ смех ми сотвори́ Господь Бог./ И́же бо а́ще услы́шит,
сра́дуется мне./ И рече́: кто́ возвестѣ́тъ Авра́аму,/ я́ко сосца́ми пита́ет
отроча́ Са́рра,/ я́ко роди́х отроча́ в ста́рости моѣ́й?/ И возра́сте
отроча́, и преста́ сосца́ми пита́тися./ И сотвори́ Авра́ам учрежде́ние
ве́лие,/ во́ньже день отдо́йся Иса́ак, сын е́го.

Суде́й чтѣние (глава́ 13):

Во дни оны бысть муж от колѣна Дáнова,/ и имя ему́ Мано́е,/ и жена́ его́ непло́ды, и не ражда́ше./ И явѣся А́нгел Господень к женѣ, и рече́ к ней:/ се ты непло́ды, и во чре́ве при́мешь, и роди́ши сы́на./ И ны́не сохрани́ся,/ не пий вина́ и сикѣра и не яждь всяко нечи́сто./ Зане́ се ты во чре́ве при́мешь и роди́ши сы́на,/ и желе́зо не взы́дет на главу́ его́,/ я́ко освяще́нно Бо́гу бу́дет отроча́ из чре́ва./ И при́де жена́, и рече́ му́жу своему́, глаго́лющи:/ я́ко челове́к Бо́жий при́де ко мне,/ и видѣ́ние его́, я́ко видѣ́ние А́нгела Бо́жия свѣ́тло зело́./ И рече́: се во чре́ве при́мешь и роди́ши сы́на;/ и ны́не не пий вина́ и сикѣра и не яждь всяко нечи́сто,/ я́ко освяще́нно Бо́гу бу́дет отроча́ из чре́ва да́же до дне сме́рти его́./ И помоли́ся Мано́е Бо́гу, и рече́:/ ко мне, Го́споди, челове́к Бо́жий, его́же посла́л еси́ к нам,/ да при́дет у́бо и просвети́т нас, что́ сотвори́м отроча́ти ражда́ющемуся?/ При́де же А́нгел к Мано́ю и рече́:/ от всех, ихже реко́х женѣ тво́ей, да сохрани́тся,/ ели́ка исхо́дят от виногра́да, да не яст и вина́ и сикѣра да не пи́ет./ И рече́ Мано́е ко А́нгелу Господню:/ что́ имя тво́е?/ Да егда́ при́дет глаго́л твой, просла́вим тя./ И рече́ ему́ А́нгел Господень:/ вску́ю ты вопроша́еши и́мене моего́?/ И то есть чу́дно./ И не приложи́ ктому́ А́нгел Господень яви́тися к Мано́ю и женѣ его́.

Проро́чества Иса́иина чтѣ́ние (гла́вы 40, 41, 45, 48 и 54):

Та́ко глаго́лет Господь:/ утеша́йте, утеша́йте лю́ди Моя́./ Глаго́лет Бог:/ священни́цы, глаго́лите в се́рдцы Иерусали́му,/ умо́лите его́, я́ко умно́жится смире́ние его́./ Разреша́йся бо грех его́,/ я́ко при́ят из руки́ Господни сугу́ба согреше́ния своя́./ Глас вопи́ющаго в пусты́ни:/ угото́вайте путь Господень,/ пра́вы твори́те стези́ Бо́гу на́шему./ На го́ру вы́соку взы́ди, благовеству́й Сио́ну,/ возвыша́й кре́постию глас свой,/ благовеству́яй Иерусали́му./ Вознеси́те, не бо́йтесь:/ Аз Господь Бог, Аз услы́шу убо́гих Изра́илев и не оста́влю тех./ Но отве́рзу от гор ре́ки и посреде́ по́ля исто́чники,/ сотворю́ пусты́ню в луг и жа́ждущую зе́млю во исто́чники водны́я./ Да возвесели́тся не́бо свы́ше, и о́блацы да кропа́т пра́вду,/ да возсия́ет земля́, и да прозя́бнет ми́лость,/ и пра́вда да возсия́ет вку́пе./ Глас весе́лия возвестите́, и услы́шано да бу́дет,/ возвестите́ да́же до ко́нecь земли́./ Глаго́лите, я́ко изба́ви Господь раба́ Своего́ Иа́кова/ и,

аще вжаждут в пустыни, источит им воду из камене./ Возвеселися, неплоды не раждающая,/ расторгни и возопий, не болевшая,/ яко многа чада пустыя паче, нежели имущия мужа.

<далее см. основной Чин>

Изменяемое №4

Лития *глас 1:*

Искапайте, горы, сладость,/ и холми, яко агнцы, разыграйте,/ яко родися от Елисавети/ хотяй с нами водворитися Господень Предтеча,/ разрешивый в рождестве отчее безгласие./ Тем и мы вопием ему:/ Крестителю Христов, моли спастися душам нашим.

Богознаменитый глас, Света светильник,/ Господень Предтеча,/ Христом свидетельствованный,/ первый во пророках, о мире молитву творяй,/ изрядно стадо твоё поминай, спасти невредимо.

Проповедник был еси Агнца Божия и Слова,/ Иоанне пророче и Предтече,/ прорицаеши будущая и предлагаеши концем:/ се Агнец Божий, вземляй мира грехи/ и подай всем велию милость.

Слава, глас 5: Пророков предел и начало апостолов,/ земного Ангела и Небесного человека,/ глас Слова, воина и Предтечу Христова,/ от обещания предвыгравшася/ и проповедавши прежде рождества Солнца правды,/ днесь Елисаветь раждает, и радуется,/ и чудится Захария в старости,/ молчание, аки узу обложенну, отложив,/ и яко родитель гласа пророчествует явленнейше:/ ты бо, отроча, пророк Вышняго наречешися/ и предидеши пути готовить Ему./ Темже, Ангеле, пророче, апостоле,/ воине, Предтече,/ Крестителю, и проповедниче покаяния, и наставниче,/ яко глас света, Слова,/ непрестанно молися о нас,/ верою творящих твою память.

И ныне, глас тойже: Храм и дверь еси,/ палата и престол Царев,/ Дево Всечестная,/ Еюже Избавитель мой, Христос Господь,/ во тьме спящим явися,/ Солнце сый правды, просветити хотя,/ яже созда по образу Своему рукою Своею./ Темже, Всепетая,/ яко матерне дерзновение к Нему стяжавшая,/ непрестанно моли спастися душам нашим.

<далее см. основной Чин>

Изменяемое №5

По полиелёи седален *глас 8:*

Да радується отец, мати, возвеселіся,/ яко пророка на землі
родила еси днесь, Богозванного Предтечу от обещания./ Непо́ды
младенца питаєт Крестителя, и радується Захарія, рождённому
глаголя:/ разреши́ся язы́к мой тво́им пришёствием на зёмлю,
свѣтільниче вели́каго Свѣта./ Во́истинну чу́до пресла́вно!

Сла́ва, и ны́не, Богоро́дичен: Благодарім Тя прісно, Богоро́дице, и
велича́ем, Чи́стая, и покланя́емся,/ воспева́юще Рожде́ство Твоё,
Благода́тная, вопи́юще непреста́нно:/ спаси́ нас, Де́во
Всеми́лостивая, яко Благо́я,/ и де́монов исхити́ словоположе́ния
стра́шнаго в час испытáния,/ да не посра́мимся, раби́ Твои́.

Изменяемое №6

Степѣнна, 1-й антифѣн, 4-го гласа.

Прокі́мен *глас 4:* И ты, отроча́,/ проро́к Вы́шняго нарече́шися. *Стих:*
Благословѣ́н Госпо́дь Бог Изра́илев, яко посети́ и сотвори́
избавле́ние лю́дем Свои́м.

<далее см. основной Чин>

Изменяемое №7

По 50-м псалмѣ стихі́ра *глас 2:*

И́же из чре́ва ма́терня освя́щся/ и проро́чества приѣ́м
исполне́ние,/ днесь от непло́дных ражда́ется,/ Госпо́дне пришёствие
проповѣ́дая я́сно:/ пока́йтеся, прибли́жися бо Ца́рство Небе́сное.

<далее см. основной Чин>

Изменяемое №8

Кано́н пе́рвый *глас 4.*

Песнь 1

Ирмо́с: Триста́ты кре́пкия,/ Рожде́йся от Де́вы,/ безстра́стия во глубинѣ́/ душі́
трича́стное пото́пи, молю́ся,/ да Тебе́, яко в тимпа́не,/ во умерщвле́нии телесе́/
побе́дное воспою́ пе́ние.

Яко́ утро благоле́пно, Со́лнца предтеки́й,/ непло́дных прозябе́ние
проповѣ́дает я́ве Де́вы Рожде́ство,/ всей ны́не вселѣ́нней сия́ет
концо́м просвѣще́ние благоче́стия и благода́ти.

Проро́к Вы́шняго и́стинно нарече́шися,/ предъидеши бо пред
лицѣ́м Христа́, – вопи́ет тебе́, сы́ну, Иоáнне прехва́льне,/ Ду́хом
Заха́рия Пресвяты́м носі́м, – путь угото́вати Зижді́телю.

Глаголы Гавриила Захария слышав, вещания Божественного, явися непокорив,/ и молчанием осуждается, решится же внезапно от сего:/ глас бо родися Слова, Иоанн Предтеча.

Богородичен: Град Божий, Всецаря Богоприятное селение, сокровище честное,/ Богородице Пренепорочная, сохрани достояние Твое,/ присно восхваляющее Тя и чтущее верою Рождество Твое.

Другой канон *глас тойже.*

Песнь 1

Ирмос: Наставльшему древле Израиля,/ бежащего от работы фараоновы,/ и в пустыни питавшему,/ поим Избавителю, Богу нашему,/ яко прославися.

Молчание старчо законного писания образ носит таин./ Ибо, пришедши благодати, Моисей умолча:/ подобаше бо, премудрости сокровищу явльшуся, всем молчати.

В церкви кадящу священнику, Ангел предста свыше, вопия:/ странна рождества благовестие, приидох, тебенося, старче:/ приими бо от неплодове рождения плод, Крестителя Христова.

Что удивился еси, старче?/ Что, не веруя, стояши, глаголющему тебе сия?/ Ангел бо есть вещаяй, аще и образ носит человек./ Буди нем убо на время, даже до рождества Слова гласа.

Иже молчание Захариино, молчания положив образ закону написанному/ и тем показав ми покаяния проповедника зовуща,/ гласа вопиющего подавает, неплодствующей сына.

О, преславных вещей Христова Предтечи!/ Иже, прежде пелен познав пленицы наша Разрешшаго и народы Освяща,/ днесь, от Елисавети родився, разрешает отцу глас.

Богородичен: Тя, Божие вместилище и мысленную лестницу, еюже сниде Бог/ и, вообразя, наше убо существо на Небеса возведе,/ вси яко спасению Ходатаицу восхваляем.

Песнь 3

Ирмос: Не мудростию, и силою, и богатством хвалимся,/ но Тобою, отчею Ипостасною Мудростию, Христэ:/ несть бо свят, паче Тебе, Человеколюбче.

Влады́чне ўбо от Дёвы соверша́ется рождéние,/ но раба́ любéзна от ста́рицы и непло́дныя ма́тере:/ в лёпоту предт́ичет ўбо ч́удо чудес́и.

Ста́рица и непло́ды Дёву Ма́терь лобза́ет, позна́вши нелóжно Сея́ Рождество́,/ я́ко разреши́ся соўз непло́дства Божéственным хотéнием.

Богорóдичен: Неискусобра́чно Бо́га воплощённа рóждши,/ страстéй прилóги обурева́емаго мя утверди́:/ несть бо, Пречи́стая, ра́зве Тебе́ помóщницы.

Ин

Ирмо́с: Утвержда́й гром и созидáй дух,/ утверди́ мене́, Го́споди,/ да Тя пою́ ўстинно/ и творю́ волю́ Твою́,/ я́ко несть свят; я́ко Ты, Бо́же наш.

Елисаве́ть, прэ́жде непло́ды су́щи, Христé, Цéрковь Твою́ прообража́ше, я́же от язы́к,/ и, рóждши пресла́вно, па́ки показу́ет многочáдну/ непло́ды явльшуюся иногда́.

Пути́ ўбо испра́вь Госпо́дни, стезю́ проугото́вав,/ пока́ния же пло́ды показáл еси́ челове́ком и жи́зненному научи́л еси́ пути́,/ проро́че и проповéднице Христóв.

Елисаве́ть, днесь игра́ючи, но́сит тя, Предте́че,/ на объ́ятиях состаре́вшихся и вопиéт, хва́лящихся:/ несть свят, я́коже Ты, Го́споди Бо́же наш.

Богорóдичен: Праотцев разреши́ла еси́ печа́ль, ра́дость нам рóждшая, Животода́вца и Изба́вителя,/ Егóже, Пречи́стая Богорóдице, прилéжно моли́ спаст́ися ста́ду Твоему́.

Седáлен, глас 8: Заха́риин глас свéтло разреши́ Словесé глас рóждься, Предте́ча,/ и зако́на непло́дие всем показá, зовый́:/ пока́йтесь, су́щии на земли́, се бо при́иде и яви́ся Иисýс,/ вся хотя́ изба́вити от пéрвыя кля́твы, просвещáя Крещéнием./ Войстинну ч́удо пресла́вно!

Сла́ва, глас 4: Я́коже со́лнце свéтло, из чрэ́ва Елисаве́ти возсия́ нам Заха́риин сын,/ и óтчее разреши́ безгла́сие,/ и всем лю́дем в дерзнове́нии мно́зе, испра́вите, – вопия́, – путь Госпо́день,/ íбо Той

свободит и спасет к Нему притекающие./ Егоже проповедал еси, Иоанне, моли спастися душам нашим.

И ныне, Богородичен: Обновила еси, Чистая, Божественным Рождеством Твоим/ истлевшее во страстях земнородных мертвенное существо/ и воздвигла еси вся от смерти к животу нетления./ Темже Тя по долгу блажим вси, Дево Препрославленная, якоже прорекла еси.

Песнь 4

Ирмос: Седяй в славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:/ слава, Христэ, силе Твоей.

Таин неизреченных предходит таинство/ новосечением законоположения естественного,/ болезни разрешение провозвещаючи, исправление сея, Христэ, и обожение.

Исаия от Отца Сыну пророчествова, воплотится хотящему:/ Ангела земнородна равноангельна се Аз посылаю пред лицом Твоим, зовуща:/ слава, Христэ, силе Твоей.

Служити, яко раб Владыце, родихся:/ на се бо приидох, Сего возвестити пришествие,/ яко да Девы Рождество предуверит, преславно неплодствующая старица прозябши.

Богородичен: Святая Богородица, в Нюже вселитися благоизволи,/ яко во благовонен дом, Слово Отчее Пребожественное,/ не растлеса утробою, ни поболé,/ ибо роди Еммануила, Бога и Человека.

Ин

Ирмос: Услышах славное смотрение Твое, Христэ Боже,/ яко родился еси от Девы,/ да от лести избавиши зовущия:/ слава силе Твоей, Господи.

Покаяние отверзется твоим рождеством, Предтече и проповедниче./ Ты бо един проповедал еси, взывая:/ покайтесь, Царство Небесное приблизися.

Девство утверждается и целомудрие торжествует,/ пустыня веселится и мир празднует рождеством твоим, Предтече.

Елисавет радуется, и Захария вещает паки:/ оба убо обновляются по старости Иоанновым абие гласом и просвещаются.

Богорóдичен: Неопалíмую купинú Тя законополо́жник зря́ще дрéвле,/ Даниíл же гóру святу́ю смотре́ше, еди́на Ма́ти Дéво, Влады́чице.

Песнь 5

Ирмо́с: *Ны́не воста́ну, проро́чески рече́ Бог,/ ны́не просла́влюся, ны́не вознесу́ся,/ па́дшаго прие́м от Дéвы/ и к свéту умному вознося́й Моего́ Божества́.*

Земля́ израсти́ всейстинна проповéдника,/ гласа, всем проповéдающа язы́ком Ду́ха, Дéвы Сы́на,/ Пра́вду, с Небесé на нас прини́чущую véщию телéсною.

Положи́ Госпо́дь всейстинна свети́льника тя Христо́ва, вся просвеща́ющаго,/ еди́ны одева́юща враждующия Емú, я́ко ризою, в студ,/ нелóжно Бóжия Сло́ва Сы́на проповéдающа.

Веселíтся вся тварь твои́м рождество́м, Божéственне:/ ты бо зéмлен А́нгел, Предте́че, и Небéсный челове́к показáлся еси́,/ Небéснаго Бóга провозвеща́я нам воплоще́нна.

Богорóдичен: От Тебе ражда́ется от Отца́ Сый,/ с Тобо́ю при́сно, Сло́во присносу́щное и неразде́льное, я́ко Сын Единоро́дный,/ и напоследок от Дéвы То́йже от Свята́го воплоща́ется Ду́ха.

Ин

Ирмо́с: *Воссия́й ми, Го́споди, свет повелéний Твои́х,/ я́ко к Тебе́ дух мой у́тренюет и поёт Тя:/ Ты бо еси́ Бог наш,/ и к Тебе́ прибега́ю, Царю́ мíра.*

Звездú проугото́вал еси́, Пра́вды Со́лнце,/ Крестите́ля Твоего́ Иоáнна,/ от обеща́ния рождéннаго днесь и ро́ждшаго разрéшша глас.

Не веща́й, не сопроти́в глаго́ли, ста́рче освяще́нне,/ Гаври́л бо глаго́лет ти, пéрвый во Арха́нгелех,/ Бóжия та́инства и е́же к нам Того́ снíтие сказа́ю.

Ста́рче, не неvéруй, Бог бо обеща́вает,/ я́ко в ста́рости роди́ши сы́на, егóже о рождестве́ мно́зи возра́дуются,/ той бо при́дет си́лою Илиино́ю.

Проро́че, проповéднике, Предте́че, е́же от неплóды прозябéние,/ возвестите́лю покая́ния, пустынное овча́, Свéта свети́льниче,/ о всех моли́, чту́щих тя véрно.

Богородичен: Яко дверь непроходиму, и купину неопалиму,/ и несекому гору, от неяже камень усечется,/ Иже из Тебе воплощаемый, воспеваем, Владычице, Мати всех Творца.

Песнь 6

Ирмос: Приидох во глубины морския,/ и потопила мя есть буря многих грехов,/ но, яко Бог, из глубины возведи живот мой, Многомилостиве.

Бога Слова познал еси, яко пророк, в матерней утробе,/ и, сея языка употребив, богословиши в темне чертозе,/ обожаем Светом Неприступным.

Немолчно, яко глас вопиющего, Избавителя мира, Крестителю, моля не претай/ душевное разрешити неплодие поющих твоё рождество.

Богородичен: Неприступного Божества селение, Чистая, Твоя утроба явися, о Богородице,/ на нюже без боязни Небеснии чинове взирати не могут.

Ин

Ирмос: Буря мя помышлений, постигши,/ во глубину низвлечёт мя безмерных грехов,/ но Ты, Управителю Благий,/ предварив, управи,/ яко пророка, и спаси мя.

Днесь пустынный гражданин Иоанн раждается,/ покаяния проповедник и благодати свидетель истинен,/ Предтеча Слова и Свету предсияющая звезда.

Днесь секира, исковавшись, посечение предлагает душам неплодия,/ и насаждает плоды добродетельныя,/ предидет твёрдо в рождестве твоём, Предтече.

Возрадовася Иордан преславно и играет, научаяся,/ Иоанна слыша, от неплодна рождена чрева,/ море же ликует водными играми.

Светильник, Света пришествие предтек,/ проповеда Агнца Божия, Спаса,/ свет возсиявшего земли, естества же всего духовне преджрена.

Богородичен: Бездну милости рождая,/ страстей моих бездну пучиною щедрот Твоих потопивши,/ тучу от души подаждь ми слез, Богородительнице Всенепорочная.

Конда́к, глас 3: Прѣжде непло́ды днесъ Христо́ва Предте́чу ражда́ет,/ и той есть исполне́ние всякаго проро́чества:/ Егóже бо проро́цы проповѣдаша,/ на Сего́ во Иорда́не ру́ку положи́в,/ яви́ся Бо́жия Сло́ва проро́к, проповѣ́дник, вку́пе и Предте́ча.

Икос: Восхва́лим ны́не Госпо́дня Предте́чу,/ егóже священнику Елисаветъ роди́ из ложесн непло́дных, но не без се́мене:/ Христо́с бо еди́н вмести́лище про́йде непроходи́мо без се́мене./ Иоáнна непло́ды роди́, без му́жа же сего́ не роди́,/ Иису́са же, осенѣ́нием Отца́ и Ду́ха Бо́жия, Де́ва роди́ Чи́стая./ Но Безсе́менному яви́ся от непло́дных проро́к и проповѣ́дник, вку́пе и Предте́ча.

Песнь 7

Ирмо́с: Ю́ноши три в Вавило́не,/ велѣ́ние мучи́телево на буйство прело́жше,/ посредѣ́ пла́мене вопи́яху:/ благословѣ́н еси́, Го́споди,/ Бо́же оте́ц на́ших.

Бя́ше пѣрвое во мра́це всяко земноро́дных естество́, о Предте́че,/ но у́тро, вопи́я, яви́лся еси́:/ благословѣ́н еси́, Го́споди, Бо́же оте́ц на́ших.

Недугова́вшее исцели́ естество́ все, сла́вное от непло́дных твоѣ́ рождество́,/ научи́вшее, Предте́че, пѣти:/ благословѣ́н еси́, Го́споди, Бо́же оте́ц на́ших.

Роди́лся еси́, Предте́че, от непло́дных,/ при́иде бо всеи́стинно, зако́ну непло́дству́юще, благода́ть, Христу́ пою́щи:/ благословѣ́н еси́, Го́споди, Бо́же оте́ц на́ших.

Богоро́дичен: Де́во Благословѣ́нная, моли́ о нас, моля́щих Тя,/ на Тя бо упова́ем вси и Тебе́ вопи́ем:/ Влады́чице, не прѣзри рабо́в Твои́х.

Ин

Ирмо́с: В пещи́ авраа́мстии о́троцы перси́дстей,/ любо́вию благоче́стия па́че,/ неже́ли пла́менем, опаля́еми, взыва́ху:/ благословѣ́н еси́ в хра́ме сла́вы Твоея́, Го́споди.

Заха́рия, умолча́в на вре́мя, возвести́ молча́ние писа́нием/ и, па́ки провеща́в, рождество́м твои́м, Предте́че,/ Ду́ха благода́ть возвеща́ет пресла́вно.

Цѣ́ркви подо́бится непло́ды безча́дная, Елисаветъ всечестна́я,/ яже пѣрвое у́бо сущи́ трѣба́ми и сква́рами очерне́на,/ ны́не же хва́лящися и добро́тою и рождѣ́нием.

Предтечи рождеством острится днесь секира духовная,/ ёюже вся посекаются страстей выиграния,/ тайно же процветают плоды покаяния.

Яко ветхаго и новаго ходатая ты, Предтече,/ и стези исправляющая Христова,/ очищающего согрешений гумно духовною лопатою, почитаем, Иоанне.

Иже пред Солнцем текшаго, Христом Богом нашим, Иоанна славнаго,/ яко звезду, Предтечу и покаяния проповедника воспоём вси, от неплодныя прошедшаго.

Богородичен: Во чрево Твое, Дево, безсеменно всельшася,/ и рождшася за неизреченное и конечное смирение, и нас ради Обнищавшаго/ о всех молити не престай, Богородице.

Песнь 8

Ирмос: Избавителю всех Всесильне,/ посреде пламене благочествовавшия,/ снизшед, оросил еси/ и научил еси пети:/ вся дела, благословите, пойте Господа.

Законоположник раб быше Моисей, Иисус же – Бог Завета Новаго,/ ныне же обоих Предтеча поёт, яко ходатай:/ вся дела, благословите Господня Господа.

От пуста чрева горлица прииде, яко богосажденная дубрава,/ ныне принесет Церкви Предтечу Христова и воспевает:/ вся дела, благословите Господня Господа.

Богоноснии людие, язык свят, горлице Христовей уподобитесь/ и медоточно воспойте, в целомудрии живуще:/ вся дела, благословите Господня Господа.

Троичен: Троицленным светом озаряеми, Несозданное Единое Божество,/ немолчными усты православно вопиюще, почтим:/ вся дела, благословите Господня Господа.

Ин

Ирмос: Всяческая, Владыко, премудростию Твоею составил еси,/ земли же паки утвердил еси, якоже веши, дно,/ основанием водрузивый на водах безмерных./ Тем вси вопиём, воспевающе:/ благословите, дела Господня, непрестанно Господа.

Познал еси, Предтече, Емуже поклонился еси прежде рождества/ и прежде пелен твоих, Христа Жизнодава,/ и выиграньи показал

есі Сего, Господа Твоего нарék,/ взайм взем матерний язык к пению Христá, Бóга нашего.

Концы днесь вселенстии предпразднуют,/ радуются Ангели и дýси праведных,/ живýщи веселятся, умершии же паки, Иоáнну рóждшуся,/ приéмше им проповедь всех Спáса Господа.

Подóбся днесь Иоáнну, Иордán мóкрыми быстрина́ми играше преслáвно,/ слýша ражда́ема равноа́нгельнаго жити́ем от ста́рицы непло́дны,/ исправля́ющаго путі и стезі Госпо́дни и мир кресті́вшаго.

Начертá днесь Заха́рия на дсце/ імя богонареченное проро́ка и Предте́чи, молча́ же воззва́:/ Иоáнн да наречётся рождё́йся мне на ста́рость./ Подóбно есть от обеща́ния рóждшемуся ста́нное зва́ние.

Богоро́дичен: Кре́пко утеше́ние и непосты́дну наде́жду,/ стéну необо́риму и Божество́нно предста́тельство лю́дие Тво́й імут Тя,/ іже Тя сла́вят, Де́во, и, спаса́еми, зову́т приле́жно:/ благослови́те, вся дела́ Госпо́дня, непреста́нно Господа.

Пéснь Богоро́дицы: Вели́чит душа́ моя́ Господа: *<см. основной Чин>*

Песнь 9

Ирмо́с: Сокрове́нное Бо́жие неизрече́нное/ в Тебе́ соверша́ется я́вственное та́инство,/ Де́во Пречи́стая,/ ўбо Бог из Тебе́ воплоти́ся за милосе́рдие./ Те́мже Тя я́ко Богоро́дицу велича́ем.

Се глас Предте́чи непло́дным и пусты́м предста́ сердца́м вопи́ющ:/ путь Христо́в ны́не угото́вите, я́ко во сла́ве грядёт,/ Емúже повинýющеся, велича́ем.

Я́коже дрéвле Ду́хом Пресвяты́м я́ве пропове́дал есі́/ Сы́на, Предте́че, А́гнца Бо́жия, ми́ра взéмлющаго грехі́,/ ста́ду тво́емý согреше́ний разреше́ние испросі́.

Тро́ичен: Еді́ницу Тричи́сленную, Тро́ицу Единосу́щную,/ правосла́вно пою́ще, ве́рнии, просла́вим,/ богоде́тельне нас озаря́ющую/ и светлосты́мй незаходи́мага све́та исполня́ющую ду́ши на́ша.

Богорóдичен: Всéми владýчествующая творéнии, лю́дем Твои́м да́руй побéду одолéния,/ непокорíваго подложí под нóзе во́инству:/ да Тя я́ко Богорóдицу велича́ем.

Ин

Ирмо́с: Я́ко сотвори́ Мне вели́чие Сíльным,/ и свя́то Ё́мя Егó,/ и мíлость Егó/ в род и род бо́ящимся Егó.

В тебé вели́кое се и пресла́вное Бог сотвори́ зна́мение, священни́че:/ по ста́рости бо сы́на и по умерщвлéнии удо́в ражда́еши Предте́чу.

Да слы́шат непло́ды и да воспою́т Бо́га,/ се бо Елисаветъ вопиéт:/ по ста́рости сы́на и по умерщвлéнии удо́в ражда́ю Предте́чу.

Весели́ся, Заха́рие, и ра́дуйся ны́не о Бо́зе:/ се бо Елисаветъ сосцы́ пита́ет по ста́рости сы́на/ и по умерщвлéнии удо́в ражда́ет Предте́чу.

Сла́ва Да́вшему непло́дней по ста́рости плод, ста́рцу и проро́ку сы́на,/ гото́вяща Емú лю́ди соверше́нны,/ Божéственного Предте́чу.

Богорóдичен: В Тя всели́вся, Ё́же в нéдрах сый Отéческих роди́ся без стра́сти и тли/ и приведе́ нас за милосéрдие Отцу́ и Божéственному Ду́ху.

<далее см. основной Чин>

Изменяемое №9

Свети́лен:

Предте́чево днесь радостотво́рное рождéние/ се́тование решíт óтча безгла́сия и ро́ждения непло́дство,/ возвещáет же настоя́щую ра́дость и весéлие./ Тёмже и вся тварь свéтло то́е пра́зднует.

Сла́ва, и ны́не, Богорóдичен: Проро́цы проповéдаша, апо́столи научи́ша/ и мучени́цы богомúдренно Твоегó Сы́на, Богорóдице, я́сно испове́даша, Бо́га всех, Пречи́стая./ С ними же Тя велича́ем, Тобо́ю изба́вльшеся дрéвняго осуждéния.

<далее см. основной Чин>

Изменяемое №10

На стихóвне стихи́ры глас 2:

Ё́же от проро́ка проро́ка/ и непло́дныя прозябéние,/ в рождéнных жена́ми превы́шша всех,/ пусты́ннаго гражда́нина, Иоáнна сла́внаго/ псалмы́ и пéньми и пёсньми духо́вными восхва́лим,/ вопию́ще к

немѹ:/ Крестѣтелю Спáсов и Предт́ече,/ я́ко имѣя дерзновѣние,/ в честнѣм твоѣм рождествѣ/ умоли́ Христа́ даровати мир мѣру/ и душáм нáшим вѣлию мѣлость.

Стих: Благословѣн Госпóдь, Бог Изра́илев,/ я́ко посетѣ и сотвори́ избавлѣние лю́дем Своѣм.

При́иде глас благодати́ Слóва,/ Сóлнца проповѣдник,/ родѣвыйся днесь от неплóдове безчáдных,/ от обетовáния Иоáнн Предт́еча./ Лю́дие, рáдуйтесь:/ при́иде уготóвати путь нам спасѣния,/ Емѹже и, взыгрáв, поклонѣйся,/ во чрѣве сѹщу Мáтери,/ Áгнцу, взѣмлющему грехѣ мѣра/ и подаѹщему нам вѣлию мѣлость.

Стих: И ты, отрочá,/ прорóк Вѣшнѣго наречѣшися.

И́же из чрѣва мáтерня освящся/ и прорóчества приѣм исполнѣние,/ днесь от неплóдных раждáется,/ Госпóдне пришѣствие проповѣдая я́сно:/ пока́йтесь, прибли́жися бо Цáрство Небѣсное.

Слáва, глас 8: Исáии нýне прорóка глас/ днесь в бóльшаго от прорóк рождѣнии Иоáнна испóлнися:/ се бо, – речѣ, – послѹ Áнгела Моегó пред лицѣм Твоѣм,/ и́же уготóвит путь Твой пред Тобóю./ Сей ўбо, Небѣснаго Царя́ во́ин, предт́ек,/ я́ко воистинну прáвы творя́ше стезѣ́ Бóгу нáшему,/ человек ўбо естество́м, Áнгел же житиѣм сый,/ чистотѹ́ бо конѣчно и целомѹ́дріе целова́в,/ имя́ше ўбо по естествѹ́,/ бежа́ же я́же чрез естество́,/ пáче естества́ подви́зався./ Тому́, вси вѣрнии, добродѣтельми подóблящся,/ моли́ти о нас мо́лимся,/ во е́же спасти́ дѹши нáша.

И нýне: Виждь Елисаветь к Дѣве Марѣи глаго́лющу:/ чтó пришла́ еси́ ко мне, Мáти Гóспода моего́?/ Ты Царя́ нóсиши, и аз во́ина./ Ты Законодáвца, и аз законополо́жителя./ Ты Слóва, и аз глас,/ проповѣдающ Цáрство Небѣсное.

<далее см. основной Чин>

Утром 7 июля

Изменяемое №11

По 1-м стихослóвию седáльны *глас 4:*

Нýне прозябѣ́ нам Захáриин плод и веселѣ́т разѹмно мѣсли вѣрных,/ пустынное украшѣ́ние и прорóков степѣнь,/ тѣмже Христóв явѣ́ся Предт́еча и свидѣ́тель нелóжен пришѣ́ствия Егó./ Духóвными

убо пёсньми согласно Крестителю возопиём:/ пророче и проповёдниче истины, моли спастися нам.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны глас 8:

Христо́ва прише́ствия нача́ток, пресла́вно роди́лся еси́,/ я́ко вои́стинну, Ио́анне всехва́льне, проро́ков главízeна,/ и, я́ко глас Сло́ва сый, взыва́л еси́:/ пока́йтесь, прибли́жися Ца́рство Небе́сное./ Те́мже, угото́вавый путь Госпо́день, благода́ти Предте́ча яви́лся еси́ концём./ Крестителю и апо́столе, моли́ Христа́ Бо́га прегреше́ний оставле́ние дарова́ти/ пра́зднующим любо́вию святу́ю па́мять твою́.

Слава, и ныне, Богородичен: <далее см. основной Чин>

Изменяемое №13

Тропа́рь глас 4:

Пророче и Предте́че прише́ствия Христо́ва,/ досто́йно восхва́лити тя недоуме́ем мы, любо́вию чту́щи тя:/ непло́дство бо ро́ждшия и о́тчее безгла́сие разреши́ся/ сла́вным и честны́м твои́м рождество́м,/ и воплоще́ние Сы́на Бо́жия ми́рови пропове́дуется.

<далее см. основной Чин>

Изменяемое №14

На хвалíteх стихíры:

Стíх: Сотвори́ти в них суд напíсан./ Сла́ва сия́ бу́дет всем преподо́бным Егó.

Стíх: Хвалíte Бо́га во святы́х Егó,/ хвалíte Егó во утвер́жении си́лы Егó.

Стíх: Хвалíte Егó на си́лах Егó,/ хвалíte Егó по мно́жеству вели́чества Егó.

Глас 8. О, пресла́внаго чудесе́!/ Из престаре́лыя ма́тере/ Бо́жия Сло́ва провозве́стник,/ Ио́анн днесь произы́ти тщи́тся,/ связа́нный язы́к яснёйше рождество́м глаго́лати явля́ет./ О, неизглаго́ланнаго Твоего́ смотре́ния, Влады́ко!/ Имже, Христé,/ спаси́ ду́ши на́ша,/ я́ко еди́н Милосе́рд.

Стíх: Хвалíte Егó во гла́се тру́бнем,/ хвалíte Егó во псалти́ри и гу́слех.

О, пресла́внаго чудесе́!/ В ро́ждённых жена́ми/ проро́к же превы́шший/ ма́терняго непло́дства разреша́ет осужде́ние,/ и́же ду́хом и си́лою прише́д Илиино́ю/ путь Госпо́день испра́вити./ О,

неизглаголаннаго Твоего благоутрѣбиа, Владыко! Имже, Христѣ, спаси, души наша, яко еди́н Милосѣрд.

Стѹх: Хвалите Егѡ в тимпѡне и ли́це, хвалите Егѡ во стру́нах и оргѡне.

О, пресла́внаго чудесе́! Пропове́давый Христо́во к челове́ком исто́щание/ превы́ше показу́ет всех Того́ гла́сом/ и ро́ждшия разреша́ет непло́дие/ си́лою Божѣственною/ и Заха́риин язы́к. О, вели́ких Твои́х чудес, Владыко! Имиже, Христѣ, спаси́ чту́щия Твоего́ вели́каго Предте́чу.

Стѹх: Хвалите Егѡ в кимвѡлех доброгласных, хвалите Егѡ в кимвѡлех восклицѡния./ Всякое дыха́ние да хва́лит Го́спода.

О, пресла́внаго чудесе́! В ро́жденных жена́ми/ проро́к и Предте́ча превы́ше явля́ется,/ проро́ков же превы́шший/ и пришѣствия Христо́ва предвозвѣстник,/ предвыгра́вый во утробѣ ма́терии./ О, зело́ вели́ких Твои́х дарова́ний, Человеколю́бче! Имиже, Христѣ, спаси́ души наша, яко Всеси́лен.

Сла́ва, глас 6: Звезда́ звезд, Предте́ча/ от непло́дных утробы́ на земли́ ражда́ется днесь,/ Иоа́нн Боговожде́ленный,/ и Христо́ву явля́ет зарю́, востокъ свѣ́ше,/ в пра́вое ве́рных прехо́ждение.

И ны́не, Богоро́дичен: <см. основной Чин>

[Изменяемое №15](#)

[Кондак](#) глас 3:

Пре́жде непло́ды, днесь Христо́ва Предте́чу ражда́ет,/ и той есть исполне́ние всякаго проро́чества:/ Егѡже бо проро́цы пропове́даша,/ на Сего́ во Иорда́не ру́ку положи́в,/ яви́ся Бо́жия Сло́ва проро́к, пропове́дник вку́пе и Предте́ча.

<далее см. основной Чин>

На Литургии

[Изменяемое №20](#)

[Прокі́мен](#), глас 7: Возвесели́тся пра́ведник о Го́споде,/ и упова́ет на Него́. *Стѹх:* Услы́ши, Бо́же, глас мой, внегда́ моли́ти ми ся к Тебе́.

[Изменяемое №21](#)

[Аллилу́ия](#), глас 1: Благословѣ́н Госпо́дь, Бог Изра́илев, яко посети́ и сотвори́ избавле́ние лю́дем Свои́м. *Стѹх:* И ты, отроча́, проро́к Вы́шняго нарече́шися.